




Broj: 03-33-1616- 5 /24
Bihać, 19.4.2024. godine



SKUPŠTINA UNSKO-SANSKOG KANTONA

PREDMET: Program rada sa finansijskim planom ZU Dom zdravlja Ključ za 2024. godinu,
dostavlja se

Na osnovu člana 181. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17 i 11/21), u prilogu vam dostavljamo Program rada sa finansijskim planom ZU Dom zdravlja Ključ za 2024. godinu, uz sljedeće

O b r a z l o ž e n j e

Vlada Unsko-sanskog kantona je na 41. sjednici, održanoj dana 19.4.2024. godine, razmatrala i Zaključkom broj: 03-02-51-546/2024 prihvatila Program rada sa finansijskim planom za 2024. godinu, broj: 01-33-50-1/24 od 30.1.2024. godine, zdravstvene ustanove Dom zdravlja Ključ za 2024. godinu i isti vam se upućuje na razmatranje.

S poštovanjem.

Prilog: Program rada sa finansijskim planom ZU Dom zdravlja Ključ za 2024. godinu (4x)

Dostavljeno;

1. Naslovu
2. a/a



Po ovlaštenju premijera Kantona
minister Ministarstva pravosuđa i uprave
Dragan Polimanać, dipl.pravnik



Na osnovu odredbe člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj 5/08), na prijedlog ministricе Ministarstva zdravstva, rada i socijalne politike, Vlada Unsko-sanskog kantona, na 41. sjednici održanoj dana 19.4.2024. godine, d o n o s i

ZAKLJUČAK

I

Prihvata se Program rada sa finansijskim planom za 2024. godinu zdravstvene ustanove Dom zdravlja Ključ, broj: 01-33-50-1/24 od 30.1.2024. godine i upućuje Skupštini Unsko-sanskog kantona, na razmatranje.

II

Ovaj Zaključak stupa na snagu danom donošenja.

Broj: 03-02-51-546/2024
Bihać; 19.4.2024. godine

Po ovlaštenju premijera Kantona
ministar Ministarstva pravosuđa i uprave
Dragan Polimarić, dipl.pravnik



OBRAZLOŽENJE

PRAVNI OSNOV

Pravni osnov za donošenje ovog akta nalazi se u odredbi člana 11. n), odjeljka A poglavlja V Ustava Unsko-sanskog kantona («Službeni glasnik Unsko-sanskog kantona» br. 1/04 i 11/04), kojim je određeno da Skupština Kantona donosi i druge propise u obavljanju kantonalnih ovlaštenja, člana 48. st. (1) Poslovnika Skupštine Unsko-sanskog kantona („Službeni glasnik Unsko-sanskog kantona“, br. 9/17) i Odluci o metodologiji i rokovima za izradu programa rada i izvještaja o radu koji se upućuju Skupštini i Vladi Unsko-sanskog kantona („Službeni glasnik Unsko-sanskog kantona“ broj: 3/14 i 4/14).

RAZLOZI ZA DONOŠENJE

Planom i programom rada sa finansijskim planom za 2024. godinu zdravstvena ustanova Dom zdravlja Ključ utvrdila je svoja opredjeljenja i zadatke kroz strateške i operativne ciljeve, kao i mjere za realizaciju operativnih ciljeva, te kroz finansijski plan sa prihodima i rashodima.

Finansijskim planom ustanova je planirala prihode u iznosu od 3.084.891,00 KM i 3.084.891,00 KM rashoda.

U 2024. godini zdravstvena ustanova planira kapitalna ulaganja usmjeriti na prostor i materijalno-tehnička sredstva. Namjenska sredstva uplaćena od strane Vlade USK će biti izvršena adaptacija i rekonstrukcija prostorija laboratorijske službe.

FINANSIJSKA SREDSTVA

Za realizaciju ovog Programa rada i finansijskog plana ZU Dom zdravlja Ključ će koristiti vlastita sredstva, kao i sredstva Vlade.

MINISTRICA
Zemina Kadirić



Broj:01-33-50- 1-1/24
U Ključu,30.01.2024.godine

Na osnovu člana 38.tačka 13. Statuta ZU Dom zdravlja Ključ i člana 62.Poslovnika o radu Upravnog odbora ZU Dom zdravlja Ključ, privremeni Upravni odbor na svojoj IV redovnoj sjednici održanoj 30.01.2024 .godine donosi:

ODLUKU

o

usvajanju Plana i programa rada,financijskog plana za 2024.godinu

I

Ovom Odlukom usvaja se Plan i program rada,financijski plan za 2024.godinu Zdravstvene ustanove Dom zdravlja Ključ.

II


Ova Odluka stupa na snagu danom donošenja.

Obrazloženje


Upravni odbor ZU Dom zdravlja Ključ je na svojoj IV redovnoj sjednici održanoj dana 30.01.2024 godine,razmatrao Plan i program rada sa financijskim planom za 2024.godinu Zdravstvene ustanove Dom zdravlja Ključ.

Razmatrani plan i program je jednoglasno prihvaćen.

Predsjednik privremenog UO


Salčinović Sabahudin

Dostaviti:
-Kantonalno ministarstvo
zdravstva i soc.politike
-a/a



BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
ZDRAVSTVENA USTANOVA
DOM ZDRAVLJA KLJUČ

BOSNIA AND HERZEGOVINA
FEDERATION OF BOSNIA AND
HERZEGOVINA
THE UNA - SANA CANTON
HEALTH CENTRE KLJUČ

Broj:01-33-50-1/24

U Ključu,30.01.2024.godine

**PLAN I PROGRAM RADA
FINANCIJSKI PLAN ZA 2024.GODINU**

Januar 2024.godine

1 –UVODNI DIO

1.1.Naziv

Zdravstvena Ustanova "Dom zdravlja" Ključ (u daljem tekstu:"Ustanova") je organizirana na način i pod uvjetima propisanim Zakonom o zdravstvenoj zaštiti i Zakonom o ustanovama i pruža zdravstvenu zaštitu na području općine Ključ.Prije rata ova Ustanova je bila OOUR RO Kliničkog- medicinskog centra Banja Luka čiji je osnivač općina Ključ.

U skladu sa odredbama Zakona o ustanovama prava i obaveze osnivača prema Javnoj ustanovi Dom zdravlja Ključ, zadržava Općinsko vijeće Ključ na osnovu svoje Odluke broj: 05-023-48 od 19.06.1997.godine.

Stupanjem na snagu Zakona o zdravstvenoj zaštiti,prava i obveze osnivača i organizaciju Zdravstvene ustanove Dom zdravlja Ključ preuzima Skupština Unsko-Sanskog kantona svojom Odlukom broj :01-1-106/98 od 08.09.1998.godine.

1.2.Sjedište i adresa,IDB

1.Sjedište ove Ustanove je u Ključu,ulica Šehićka br 1.

2.Telefonski brojevi za kontakt : fax 037/661-120-sekretar ,037/661-384-centrala ,037/662-007-direktor i 037/661-349-računovodstvo;E-mail : dzkljuc@bih.net.ba

3. Zdravstvena ustanova Dom zdravlja Ključ registrirana je Poreskoj upravi Federacije Bosne i Hercegovine-Kantonalni ured Bihać , pa joj je Uvjerenjem o poreznoj registraciji dana 17.12.2002.godine ,dodjeljen joj je slijedeći identifikacijski broj :4263133500001.

1.3.Odgovorne osobe:

1. V.d. Direktor Kadrić-Hadžić dr Sabina ,spec.pedijatar
- 2.Sekretar ustanove:Hrnčić Zlata ,dipl.pravnik
3. Šef računovodstva:Mešanović Amela ,dipl.ekonomista
4. Glavni tehničar:Mešić Suad,dipl.medicinski tehničar

2. DJELATNOST

2.1.Ova Ustanova organizira i provodi primarnu zdravstvenu zaštitu stanovništva na području općine Ključ,kao svoju trajnu djelatnost i provodi određen nivo sekundarne zdravstvene zaštite,a prema načelima sveobuhvatnosti,kontinuiranosti,dostupnosti,načelima sveobuhvatnog pristupa u skladu sa kapacitetima .

Rad ove ustanove je usklađen sa odredbama Zakona o zdravstvenoj zaštiti F BiH a obuhvata:

1. Rano otkrivanje, sprečavanje i suzbijanje uzroka oboljanje i povređivanja,
2. Sudjelovanje u podizanju i održavanju psihofizičke I zdravstvene sposobnosti radnika,
3. Brigu za očuvanje zdravlja i liječenja svih članova porodice,
4. Provođenje mjera zdravstvene zaštite I brigu o zdravstvenom stanju I unapređenju zdravlja učenika ,omladine, studenata kao i brigu o zdravstvenom stanju građana starijih od 65 godina, invalida I drugih osoba,
5. Zdravstvenu zaštitu specifičnih i nespecifičnih plućnih oboljenja,
6. Praćenje higijensko-epidemiološke situacije u životnoj I radnoj sredini,
7. Provodi edukaciju zdravstvenih radnika.

Zdravstvena ustanova Dom zdravlja Ključ obavlja djelatnost u centralnoj zgradi, terenskim ambulantama: Sanica i Krasulje.

Primarna zdravstvena zaštita je organizirana kroz sljedeće službe:

1. Služba opća primarna zdravstvena zaštita (zdravstvena zaštita stanovništva iznad 19.godina)
2. Služba polivalentne patronaže i kućnog liječenje
3. Služba zdravstvene zaštite predškolske djece
4. Služba zdravstvene zaštite školske djece i omladine
5. Služba zdravstvene zaštite žena
6. Služba pneumoftiziološke zdravstvene zaštite
7. Higijensko-epidemiološka služba
8. Hitna medicinska pomoć
9. Laboratorijska dijagnostika
10. CBR
- 12.1. Centar za mentalno zdravlja
- 12.2. Centar za fizikalnu rehabilitaciju
- 13 .Zubna zdravstvena zaštita
- 13.1.Zdravstvena zaštita zuba i usta predškolske djece
- 13.2.Zdravstvena zaštita zuba i usta školske djece
- 13.3.Zdravstvena zaštita zuba i usta odraslih

Nivo sekundarne zdravstvene zaštite je organiziran kroz sljedeće imove:

1. Konsultativno-specijalistička zdravstvena zaštita
- 2.UZ dijagnostika.

Zdravstvena zaštita na primarnom nivou obuhvata:

- djelatnost porodične medicine,
- djelatnost zdravstvene zaštite djece,
- djelatnost polivalentnih patronažnih sestara u zajednici,
- higijensko-epidemiološku zaštitu,
- hitnu medicinsku pomoć,
- zaštitu reproduktivnog zdravlja žena,
- zdravstvenu zaštitu kod nespecifičnih i specifičnih plućnih oboljenja,
- fizikalnu i mentalnu rehabilitaciju u zajednici,
- zubozdravstvenu zaštitu,
- laboratorijsku i radiološku dijagnostiku primarnog nivoa,
- liječenje i rehabilitacija u kući

ZU Dom zdravlja Ključ obavlja i usluge sekundarne zdravstvene zaštite i to:

- ultrazvučnu vanbolničku dijagnostiku,
- dio usluga hematološke i biohemijske laboratorijske vanbolničke djelatnosti

Primarna zdravstvena zaštita naročito provodi:

Mjere zdravstvene zaštite djece predškolskog i školskog uzrasta, brigu o njihovom zdravstvenom stanju i unapređenju zdravlja, učestvovanju u podizanju psihofizičke sposobnosti; brigu o zdravstvenoj zaštiti žena za vrijeme trudnoće, porođaja i nakon porođaja, te o drugim zdravstvenim potrebama žena; mjere zapromociju prirodne ishrane dojenčeta-dojenje; mjere zdravstvene zaštite osoba sa smetnjama u razvoju; ispitivanje nepovoljnog utjecaja okoline na zdravstveno stanje i zdravstvenu sposobnost radnika za rad i drugih građana; hitnu medicinsku pomoć; specifičnu zdravstvenu zaštitu radnika; liječenje u ordinaciji odnosno u stanu osiguranika; kurativne i rehabilitacijske mjere; mjere prevencije, liječenja i saniranja usta i zuba; snabdijevanje lijekova i drugim sredstvima za liječenje; upućivanje pacijenata na specijalističko-konsultativne preglede te na bolničko liječenje kao i provođenje posthospitalnog postupka i koordiniranje i provođenje nužnih dijagnostičkih i terapijskih postupaka.

ZU " Dom zdravlja" Ključ obavlja zdravstvenu zaštitu na području općine Ključ u skladu sa Ugovorom o pružanju primarne i dijela sekundarne zdravstvene zaštite na USK sklopljenim sa Zavodom za zdravstveno osiguranje USK.

2.2. UPRAVLJANJE U ZU DOM ZDRAVLJA KLJUČ

Rješenjem Vlade Unsko-sanskog kantona broj: 03-017-2190-1088/2023.od 03.11.2023.godine imenuje se privremeni Upravni odbor ZU Dom zdravlja Ključ u sastavu:

1.Salčinović Sabahudin-predsjednik

2.Silajdžić Denis -član

3.Medić Nermina-član

4. Zec Ćazim-član

5.Subašić Zlata -član

Funkciju rukovođenja ustanovom vrši v.d.direktor ustanove Kadrić-Hadžić dr Sabina,spec.pedijatar.

2.3.KAPACITETI I KORIŠTENJE KAPACITETA ZU DOM ZDRAVLJA KLJUČ

ZU Dom zdravlja Ključ pruža usluge na području općine Ključ za 16.175 stanovnika po statističkim podacima općine Ključ,od toga je 8.665 osiguranih lica .

2.4.KADROVSKA STRUKTURA

U Domu zdravlja Ključ sa danom 31.12.2023 godine zaposleno je 61 od toga 42 radnika medicinske struke i 19 radnika nemedicinske.

Pregled broja i strukture zaposlenih u DZ Ključ u 2022 i 2023. godini.

Zaposlenici Doma zdravlja po kvalifikacionoj strukturi	Broj zaposlenih	
	2022	2023
Doktori medicine	1	1
Doktori medicine-specijalisti	8	8
Doktori medicine na specijalizaciji	1	1
Doktori stomatologije	2	2
Zdravstveni radnici za visokom zdravstvenom školom	0	0
Zdravst.radnici više stručne spreme	9	10

Zdravst.radnici srednje stručne spreme	23	19
Ostali zdravstveni radnici visoke stručne spreme	1	1
Ukupno zdravstvenih radnika	45	42
Nemedicinska struka :	-	-
Visoka stručna sprema	2	2
Srednja stručna sprema	4	4
Visokokvalifikovani		
Kvalifikovani	9	8
NK	5	5
Ukupno nemedicinskih radnika	20	19
UKUPNO	65	61

Izvor: Matična evidencija zaposlenika Doma zdravlja Ključ.

2.5.FINANSIRANJE RADA USTANOVE

Zdravstvena ustanova Dom zdravlja Ključ se financira:

- Ugovorena sredstva sa Zavodom zdravstvenog osiguranja za pružanje usluga primarne zdravstvene zaštite osiguranim licima općine Ključ ,iz kojih se izmiruju bruto plaće i dio materijalnih troškova.
- Vlastitim prihodima od pruženih dopunskih usluga osiguranim i neosiguranim licima (ljekarska uvjerenja,uvjerenja za posao,posjedovanje i nošenje oružja,izdavanje sanitarnih knjižica,sanitetskaobezbjedenja manifestacija) nastoje se isplatiti naknade zaposlenicima koje nemaju karakter plaće u skladu sa Kolektivnim ugovorom I Pravilnikom o radu kao preostali materijalni troškovi.

Uzimajući u obzir da se ustanova najvećim dijelom finansira ugovorenim sredstvima ZZO –a USK-a, a vodeći kriterij za zaključivanje ugovora I iznos ugovorenih sredstava je broj osiguranih lica ,tendencijom smanjenja istih može se očekivati smanjen priliv navedenih sredstava.

II. **NORMATIVNI DIO**

Zakonski osnov djelovanja ZU Dom zdravlja Ključ baziran je na :

- Zakonu o zdravstvenoj zaštiti
- Zakonu o javnim ustanovama
- Zakonu o obligacionim odnosima
- Zakonu o javnim nabavkama
- Ostali propisi koji regulišu poslovanje zdravstvenih ustanova
- Interni akti ustanove

III. **TEMATSKI DIO**

1. **Misija**

ZU Dom zdravlja Ključ je zdravstvena ustanova koja poštujući osnovna načela zdravstvene zaštite nastoji osigurati pristupačnu i kvalitetnu usluge kako bi zadovoljila potrebe građana općine Ključ i šire u skladu sa savremenim doktrinama i u okvirima medicinske etike.

2. **Vizija**

Zajedničkim radom u suradnji sa lokalnom zajednicom pružiti mogućnosti pojedincima, porodicama da uz podršku sistema sveobuhvatne ,integrirane ,efektivne i kvalitativne zdravstvene zaštite postignu optimalno zdravlje i socijalno blagostanje.

3. **STRATEŠKI CILJEVI**

-**STRATEŠKI CILJ 1:**Povećanje sigurnosti i kvaliteta usluge

-**STRATEŠKI CILJ 2:**Osiguranje finansijske stabilnost ustanove

-**STRATEŠKI CILJ 3:**Poboljšanje uslova rada

-**STRATEŠKI CILJ 4:**Unapređenje procesa planiranja,razvoja i obuke ljudskih resursa i optimalno korištenje postojećih kapaciteta,

2. **OPERATIVNI CILJEVI**

2.1.

- Kontinuirano sprovoditi mjere usmjerene na unapređenje kvaliteta usluge i sigurno okruženje u ZU Dom zdravlja Ključ,

- Osnaživanje preventivno-promotivnog rada u svim službama ustanove,

-Radi dostupnosti i osiguranja specijalističko konsultativne zdravstvene djelatnosti (hirurgija,ortopedija i urologija) za osiguranike općine Ključ istu pružaju specijalisti iz Kantonalne bolnice Bihać i Opće bolnice Sanski Most.ZU Dom zdravlja angažuje medicinske

sestre ,prostor i materijal.U 2024.godini u saradnji sa menađmentom navedenih ustanova nastojati podići nivo usluga na zadovoljavajući nivo sa posebnim osvrtom na liste čekanja I kvalitet usluge približiti standardima I normativima.

-unapređenje partnerskog odnosa sa korisnicima

2.2.

- Održivo finansiranje ZU Doma zdravlja Ključ uz efikasnije upravljanje materijalnim i finansijskim sredstvima.

-nastavak osposobljavanja I stručnog usavršavanja članova menađmenta kako bi pravovremeno pratili aktualnu problematiku I sa većom sigurnošću donosili najvažnije odluke

2.3.

- poboljšanje uvjeta rada u Laboratorijskoj službi I Službi za zaštitu djece I školske omladine kroz kapitalna ulaganja.

3.RIZICI

3.1 Demografske promjene na teritoriji naše općine

3.2 Odliv stručnog kadra sa posebnim osvrtom na zdravstvene radnike

3.3 Nesklad između potreba i zahtjeva zdravstvene zaštite u odnosu na realnu mogućnost finansiranja,

4.MJERE ZA REALIZACIJU OPERATIVNIH CILJEVA

4.1.Uspostava stalnih timova porodične medicine

Prijemom nedostajućeg kadra SSS zdravstvenog smjera osigurati rad stalnih timova u Službi porodične medicine.

4.2.Stručno osobljavanje kadra u ustanovi

Osigurati kontinuiranu edukaciju radnika u saradnji sa Zavodom za javno zdravstvo,projekata vezanih za unapređenje psihofizičkog zdravlja stanovništva ,kontinuirane edukacije zdravstvenog osoblja u saradnji sa nadležnim komorama,obavezne edukacije nemedicinskog kadra(pravna i služba računovodstva).U okviru ovih aktivnosti zdravstveni kadar uputiti na PAT edukaciju i izvršiti relicencirati zaposlenih u Službi hitne medicinske pomoći

4.3.Unapređenje rada preventivne zdravstvene zaštite

1. Preventivne aktivnosti porodične/obiteljske medicine i patronažne službe

U okviru porodične medicine a prema izrađenom planu kontinuirano će se vršiti preventivne aktivnosti kroz posjete i prosvjeđivanje stanovništva o zdravlju i faktorima koji štetno utiču na njega. U suradnji sa patronažnom službom posebnu pažnju posvetit ćemo nadzoru i praćenju zdravstvenog stanja stanovništvu udaljenih mjesta. Patronažna služba će poseban akcenat staviti na prevenciju hroničnih nezaraznih oboljenja u koje spadaju kardiovaskularne bolesti i šećerna bolest.

2. Preventivne aktivnosti službe zdravstvenu zaštitu predškolske i školske djece

U toku 2024.godine u okviru ove službe a prema izrađenom planu vrsit će se sistematski pregledi dojenčadi , predškolske I školske djece.Planirani su sistematski pregledi učenika devetih razreda uz redovno vakcinisanje te sistematski pregledi učenika sedmih razreda u saradnji sa obrazovnim ustanovama.Redovne aktivnosti će obuhvatiti I predavanja u osnovnim I srednjim školama u svrhu promocije zdravlja i ukazivanja na štetne faktore(pušenje,alkohol,narkotička sredstva)

3. Preventivne aktivnosti u domenu službe za zdravstvenu zaštitu žena

Od preventivnih aktivnosti provodit će se organizirane akcije skrining metoda kod karcinoma ženske populacije(prvi papa test Dom zdravlja osigurava u okviru paketa zdravstvenih usluga).U domenu pomenutog planiramo registraciju te statističko vođenje pregledanih pacijenata u ranom skriningu jer se većina karcinoma može prevenirati u ranom periodu.

4. Preventivne aktivnosti pneumopftziološke zdravstvene zaštite

Do sada se u okviru preventivnih aktivnosti u ovoj službi posebna pažnja posvećena je prevenciji tuberkuloze kroz kontinuirano praćenje oboljelih lica i članova porodice. U ovoj godini će se nastaviti u povedanom obimu sa preventivnim akcijama.

5. Preventivne aktivnosti HES-a

U okviru HES-a a u suradnji sa porodičnom medicinom, vršit će se preventivne aktivnosti za rane skrininge i oglašavanja o zaraznim bolestima. Kontinuiranim praćenjem i suzbijanjem zaraznih bolesti kao i nadzor nad istim nastavit će se i u 2023.godini.Ova služba uz saradnju sa nadležnim institucijama općine i kantona nastavit će nadzor nad svim pojavama koje utiču na zdravlja naših građana.Kao u prethodnoj godini služba će vršiti preventivne mjere nadzora nad kvalitetnom voodooskrbom stanovništva u saradnji sa vodovodnim preduzećem .

4. Unapređenje preventivnog djelovanja Centa za mentalno zdravlje

Centar za mentalno zdravlje u Domu zdravlja vrlo kvalitetno i visoko profesionalno obavlja sve poslove u njihovom domenu. Jedna od preventivih aktivnost jeste pregled djeteta predškolskog uzrasta u okviru sistematskih pregleda kao i kontinuirano učešće u vaspitno-obrazovnom procesu djece i omladine.U cilju promocije o značaju i prevenciji mentalnih

poremećaja, poseban naglasak staviti na intersektorsku saradnju te provođenje efikasnih mjera suzbijanja stigmatizacije svih marginaliziranih osoba ,po bilo kojoj osnovi.Nastavit sa programom rehabilitacije djece sa poteškoćama u razvoju za što smo obezbjedili adekvatan stručni kadar.

5. Unapređenje preventivnog djelovanja Centra za fizikalnu medicine i rehabilitaciju

Uzimajući u obzir činjenicu da je sve veći broj lica koja traže usluge služba fizikalne medicine i rehabilitacije planira više vremena posvetiti preventivnim promocije i prevencije bolesti i onesposobljenja.

6. Preventivne aktivnosti stomatološke preventivne zaštite u osnovnim i srednjim školama

U 2024.godini stomatološka služba Doma zdravlja u skladu sa dogovorom sa ustanovama obrazovnog obrazovnog sistema planira posjete predškolskoj ustanovi i nižim razredima osnovne škole ,kao i srednjoj školi u svrhu edukacije djece o značaju zdravlja usta i zubi te praćenja redovnog stanja.

4.5.Kapitalna ulaganja usmjeriti na prostor i materijalno-tehnička sredstva

U 2024.godine zahvaljujući namjenskim sredstvima uplaćenim od strane Vlade USK-a ,bit će izvršena adaptacija i rekonstrukcija prostorija laboratorijske službe te ukoliko se odobri prenamjena sredstava ranije uplaćenih od strane Vlade u iznosu od 30.000,00 KM za nabavku UZV-u(aparat doniran od strane UNDP-a u međuvremenu),ista usmjeriti u rekonstrukciju dijela Službe za zaštitu djece i omladine.Nedostajuća sredstva za realizaciju gore navedenih investicija ustanova će izdvojiti iz vlastitih sredstva.

4.6 Ljudski resursi

U 2024.godini planiraju se zaposliti tri medicinske sestre-tehničara u Službi porodične medicine radi isteka ugovora trenutno zaposlenim dvijema sestrama kao i duže privremene spriječenosti za rad dva medicinska tehničara.U Službi fizikalne medicine izvršiti prijem jednog višeg fizioterapeutskog tehničara na neodređeno vrijeme radi potreba CBR-a i isteka ugovora na određeno vrijeme trenutno zaposlenom.Prijem neuropsihijatra na određeno vrijeme sa nepunim radnim vremenom radi odlaska specijaliste neuropsihijatra u penziju.Prijem RTG tehničara na neodređeno vrijeme radi odlaska radnika u penziju.Za potrebe tehničke službe izvršiti prijem jednog radnika za održavanje čistoće radi odlaska radnice u penziju.Prijem izvršiti uz prethodnu saglasnost Ministarstva zdravstva ,rada i socijalne politike USK-a, a postupak provesti u skladu sa pozitivnim pravnim propisima.

5.FINANCIJSKI PLAN

U finansijskom poslovanju ustanova planira da ostvareni prihodi pokriju troškove odnosno rashode.

Planirani rashodi za 2024.god.u odnosu na planirane rashode iz 2023.god

R/BR	OPIS	2023.	2024.	INDEX
1.	TROŠKOVI LIJEKOVA	14500,00	7960,00	0,55
2.	POTROŠNI MATERIJAL PO SLUŽBAMA	115500,00	112300,00	0,97
3.	TROŠKOVI OGR. DRVETA I UGLJA	29500,00	22556,00	0,76
4.	TROŠKOVI KANC. MATERIJALA	8500,00	9320,00	1,10
5.	TROŠKOVI ELEKTRIČNE ENERGIJE	18500,00	18600,00	1,01
6.	TROŠKOVI GORIVA I MAZIVA	58250,00	60000,00	1,03
7.	TROŠKOVI OTPISA SITNOG INVENTARA I AUTOGUMA	2500,00	3100,00	1,24
8.	PLATE RADNIKA	2279205,00	2289850,00	1,00
9.	DNEVNICE I TROŠKOVI SLUŽ. PUTA	6520,00	11100,00	1,70
10.	NAKNADE ZA TOPLI OBROK	146500,00	171200,00	1,17
11.	NAKNADE ZA PREVOZ RADNIKA	19100,00	19200,00	1,01
12.	OTPREMNINA-ODLAZAK U PENZIJU I DR.NAKNADE(U SL.SMRTI, PRAZNICI)	17500,00	33300,00	1,90
13.	STRUČNA LITERATURA I SEMINARI	2300,00	3500,00	1,52
14.	DOPRINOSI ZA VOLONTERE	550,00	720,00	1,31
15.	NAK.I DOP. PO UGOVORU O DJELU, PRIVR.POVREM. I KOMISIJE	17125,00	16500,00	0,96
16.	TROŠKOVI POŠTANSKIH I TELEKOMUNIKACIJSKIH USLUGA	13560,00	13500,00	1,00
17.	USLUGE ODRŽAVANJA OPREME I TRANSPORTNIH SREDSTAVA	21250,00	25600,00	1,20
18.	TROŠKOVI TAKSI, POREZA I NAKNADA	250,00	300,00	1,20
19.	TROŠKOVI AMORTIZACIJE	158200,00	182530,00	1,15
20.	TROŠKOVI ADV. I NOTARSKIH USLUGA I REVIZIJSKIH USLUGA	3500,00	4510,00	1,29
21.	TROŠKOVI ZDRAVSTVENIH USLUGA	8500,00	12300,00	1,45
22.	KOM. USLUGE VODA I SMEĆA	9500,00	9500,00	1,00
23.	USLUGE ZBRINJAVANJA OTPADA I NAKNADA ZA ZAGAĐENJE ZRAKA	950,00	950,00	1,00
24.	OSTALI NEPROIZVODNI TROŠKOVI	1530,00	2300,00	1,50
25.	TROŠKOVI REPREZENTACIJE	150,00	150,00	1,00
26.	TROŠKOVI OSIGURANJA	2250,00	3000,00	1,33
27.	TROŠKOVI PLATNOG PROMETA	2995,00	4500,00	1,50
28.	TROŠKOVI TENHIČKOG PREGLEDA	1850,00	1850,00	1,00
29.	VOD. NAK. I NAKNADA ZA NESREĆE	12500,00	14500,00	1,16
30.	TROŠKOVI AKREDITACIJE I EDUKACIJE -AKAZ	3492,00	2000,00	0,00
31.	ZATEZNE KAMATE I KAZNE	100,00	100,00	1,00
32.	RASHODI PO OSNOVU OTPISA, KALO, RASTUR I LOM	4500,00	7500,00	1,67
33.	RASHOD ZA RIZIK LIJEKOVA	0,00	20200,00	0,00
34.	RASHODI PO OSNOVU DONACIJA	45,00	45,00	0,00
35.	OSTALI RASHODI	150,00	350,00	2,33
	UKUPNI RASHODI	2.981.322,00	3084891,00	1,03

Planirani prihod za 2024.god.u odnosu na planirane prihode u 2023.g.

R/BR	OPIS	2023.	2024.	INDEX
1.	PRIHOD OD ZZO USK-a	2607846,00	2500500,00	0,96
2.	PRIHOD OD LJEKARSKIH UVJERENJA (bez PDV-a)	35200,00	48200,00	1,37
3.	PRIHOD OD SANITARNIH PREGLEDA (bez PDV-a)	17500,00	17600,00	1,01
4.	PRIHOD OD PREVOZA VAN KANTONA	65250,00	72300,00	1,11
5.	PRIHOD OD PREVOZA HEMODIJALIZE	9500,00	23500,00	2,47
6.	PAZAR PO SLUŽBAMA	35250,00	244960,00	6,95
7.	PRIHOD OD DONACIJA	152746,00	135041,00	0,88
8.	PRIHOD OD MINISTARSTVA (MRTVOZORSTVO)	6500,00	7800,00	1,20
9.	PRIHOD OD INO POTRAŽIVANJA	2210,00	2230,00	1,01
10.	PRIHOD OD ROBE (LIJEKOVI)DOMA ZDRAVLJA	14500,00	7960,00	0,55
11.	PRIHOD OD ZAKUPNINE	500,00	500,00	1,00
12.	PRIHOD OD REFUNDACIJE BOLOVANJA	15800,00	9500,00	0,60
13.	PRIHOD OD SANITET.OBEZBJEĐENJA MANIFESTACIJE (bez PDV-a)	3520,00	2500,00	0,71
14.	OSTALI PRIHODI	15000,00	12300,00	0,82
	UKUPNO PLANIRANI PRIHODI	2981322,00	3084891,00	1,03

**Planirani prihodi i rashodi u 2024.god.u odnosu na planirane
prihode i rashode u 2023.god**

	2023	2024	INDEX 24/23
UKUPNO OSTVARENI I PLANIRANI PRIHODI	2.981.322,00	3.084.891,00	1,03
UKUPNO OSTVARENI I PLANIRANI RASHODI	2.981.322,00	3.084.891,00	1,03
DOBIT/GUBITAK	0,00	0,00	



v.d. Direktor
Kadrić-Hadžić dr Sabina

Na osnovu odredbe člana 96. stav (2) Poslovnika Skupštine Unsko-sanskog kantona („Službeni glasnik Unsko-sanskog kantona“ br.9/17), na prijedlog Vlade Unsko-sanskog kantona, Skupština Unsko-sanskog kantona, na sjednici _____ održanoj dana _____, donosi:

ZAKLJUČAK

I

Prihvata se Program rada sa finansijskim planom za 2024. godinu zdravstvene ustanove Dom zdravlja Ključ.

II

Ovaj Zaključak stupa na snagu danom donošenja i objavit će se u „Službenom glasniku Unsko-sanskog kantona“.

Broj: _____

Bihać, _____

Predsjedavajući Skupštine

Unsko-sanskog kantona